

Վ Ա Ր Դ

Վարդն է բացուեր առաւօտուն գոյն զգոյն,
Հոտն բուրէր անմահութեան զօրն ի բուն,
Խիստ գեղեցիկ նման ծաղկի նըռնենոյն նըռնենոյն.

Մի թափիր վարդ, մի թափիր վարդ

Խիստ սյրեցայ ես քո հոտոյն

Մի լափիր վարդ խիստ սյրեցայ ես քո սիրուն

Մի լափիր վարդ:

Առաւօտուն ժամուն ելայ հայեցոյ,

Յորժամ տեսայ վարդ բացըլած՝ զուարճացայ,

Խիստ անուշահոտութենէդ զմայլեցայ զմայլեցայ:

Մի թափիր վարդ ևն:

Բամից հանուրց ազգաց ի մէջ ծաղկունաց,

Գերագոյն վարդ դու ցանկալի ես մանկանց,

Մի պակասիր վարդ հանապազ իմ ձեռաց,

Մի պակասիր միշտ հանապազ իմ գիմաց.

Մի թափիր վարդ ևն:

Դու բարունակ սլայծառ և ծիրանագոյն,

Բուրաստանաց մէջըն վայելիս աստղագոյն:

Վարդ սիրական անուշահոտ կարմրագոյն,

Իմ գեղեցիկ անուշահոտ կարմրագոյն.

Մի թափիր վարդ ևն:

Առաւօտուն հողմն հնչէր մեղմագոյն,

Պուլպուլ ձագուկն գայր իջնոյր մէջ վարդոյն,

Պըլպուլ հաւիկն գայր իջնոյր մէջ սյգոյն,

Քաղցրիկ խօսէր լուրախանայր հետ վարդոյն.

Մի թափիր վարդ ևն:

Նոր առաւօտ արեգական ծագելոյն,
Յայնժամ ի շուրջ գալով մէջըն վարդենոյն,
Եղանակօք շարադրեցի քաղցրագոյն.

Մի թափիր ևն:

Ի հասանել երրորդի ճաշու ժամուն,
Կրկին անգամ ընթացայ մէջ կոկոնուն,
Վարդ քաղելով ոչ յագեցայ ի հոտոյն.

Մի թափիր ևն:

Էր ժամանակն հասարակ աւուր տոթոյն,
Վարդ թըփենոյդ ներքե եղէ քաղցր ի քուն,
Վարդ թափեցար ի վերայ սրտիս բազմագոյն.

Մի թափիր ևն:

Աղուորիկ վարդ կու բուսանիս մէջ փրշոյն,
Աղուոր մանկտիք գան ժողովեն քո ճըղոյն,
Ձեռ/ընին ծակոտես որպէս զէտ հերուն,

Մի թափիր ևն:

Սըրտու/ս յօժար զքեզ գովեմ վարդ սիրուն,
Սիրելի նազելի պատուականագոյն
Որչափ գովեմ՝ արժանի ես բազմագոյն,

Մի թափիր ևն:

Այլ և բազմեալ, եղբարք, ի շուրջ սեղանոյն,
Ի միասին հըրճուիմք ի վերայ վարդոյն,
Գրախտէն ընծայ բերեալ հօրըն նախնոյն,

Մի թափիր ևն:

Յնծան մանկտիք ուրախանան քո տեսոյն,
Առեալ միմեանց մատուցանեն սիրելոյն,
Այլ առաւել սիրով լցեալ աւելնուն,

Մի թափիր ևն:

Ես թըմրեցայ վաբդի անուշահոտոյն,
Զինչ խօսեցայ՝ անգէտ և յիմարագոյն,
Որըն մարմնոյ՝ որըն հոգևորագոյն,

Մի թափիր ևն:

Այլ մանկտիք որք էք ինձ եղբայրագոյն,

Յորժամ կարգայք զիս յիշեցէք ձեր հոգոյն,
Հայր մեղայն մի խնայէք ձեր արեւուն,

Մի թափիր ևն:

Լինիմ կարօտ՝ մնամ փափագ քո տեսոյն,
Վարդ պակասեալ լինիս ի մէջ փրշենոյն,
Եւ զիս թողուս խեղճ Լ'ողորմուկ տըրտմագոյն,

Մի թափիր ևն:

Քո ժամանակն պիտէր խիստ երկարագոյն,
Որ զուարճացեալ լիանայի քո հոտոյն,
Գոհութիւն փառք տայի ստեղծող Աստուծոյն Աստուծոյն:

Մի թափիր ևն:

Սա յարմարեալ թուականի մեծ Հայուն,
Հազար հարիւր ութերորդ աւելորդոյն,
Ճանապարհին յերուսաղէմայ գալուն,
Արեղայի ծոյլ Վարդան անուանելոյն,

Մի թափիր ևն*:



*. Սկզբնատառք կազմումեն՝ Վարդանի է ասացեալքս: